



Michael Rosing  
Inatsisartut

## **Anngiortumik niuerfimmi kissaviarsunnik tuniniaasoqarneranik pasitsaassineq pillugu apeqqummut akissut**

08-11-2016  
Sags nr. 2016 - 15716  
Dok. nr. [Dokumentnr.]

Asasara Michael Rosing

Postboks 1614  
3900 Nuuk  
Tlf. (+299) 34 50 00  
Fax (+299) 34 54 10  
E-mail: pann@nanoq.gl  
www.naalakkersuisut.gl

12. oktober 2016-imi taamani Pinngortitamut, Avatangiisinut Nukissiuuteqarnermullu Naalakkersuisuusoq oqaaseqarpoq, Arabiami nunani anngiortumik niuerfinni kissaviarsunnik tuniniaasoqarneranik pasitsaassineq pillugu apeqquinnut uunga allakkatigut akissuteqarniarluni: *"Kalaallit Nunaanni kissaviarsunnik, anngiortumik niuerfinni tunisassanik annissisoqartarnera tusatsiarneqartarpoq. Tamanna eqqumaffigineqarpa aamma iliuuseqarfigineqarpa?"*.

Apeqquittit suli soqutiginaateqartoq isumaqarama, matumuuna apeqquinnut akissuteqaammik allakkatigut nassiussivunga.

Timmissat suussussaannut, tassungalu ilanngullugu timmissanik, taakkunangalu tunisassianut aqutsivik, naalakkersuinikkut Aalisarnermut Piniarnermullu Naalakkersuisup Hans Enoksenip ataaniippoq, taamaattumillu tassangaanniit akissuteqarnissannut tapiliussassamik pissarsivunga. Akissut matuma kinguliani allassimavoq.

### **Maleruagassat**

Timmissanik taakkunangalu tunisassianik niueruteqarnek annissisarnerlu il.il. timmissat illersorneqarnerat piniagaanerallu pillugit Namminersornerullutik Oqartussat nalunaarutaat nr. 8, 2. marts 2009-meersoq aqqutigalugu maleruagassiuunneqarput.

### **Kissaviarsunnik annissisarnek pillugu siornatigut suliaasimasut**

2010-mi Aalisarnermut Piniarnermullu Naalakkersuisoqarfik Qatar-imi sheik-imit qinnuteqaammik tigusaqarpoq, taassumalu Kalaallit Nunaanni kissaviarsunnik tigusiilluni Qatar-imut annissinissani qinnuteqaatigaa. Timmissat illersorneqarnerat piniagaanerallu pillugit Namminersornerullutik Oqartussat nalunaarutaat nr. 8, 2. marts 2009-meersoq tunngavigalugu qinnuteqartoq itigartinneqarpoq. Siunertaq aatsaat uumasut nakorsaqaarnermut, ilisimatusarnermut ilinniartitaanermullu tunngasuuppat nalunaarummik saneqqutsinissamut immikkut ittumik akuersissuteqartoqarsinnaavoq.

### **Tusatsiakkanik paasiniaaneq**

Aalisarnermut Piniarnermullu Naalackersuisoqarfik suliaq pillugu Kalaallit Nunaanni Politiinut, Kalaallit Nunaanni Aalisarnermut Akuersissutinik Nakkutilliisoqarfimmut (GFLK) ilisimatusartunullu suleqatigiinnut, ukiut tamaasa Kalaallit Nunaata kujataani kissaviarsunnik kisitsisartunut paasiniaavoq. Ilisimatusartunit suleqatigiinnit politiinillu akissuteqartoqarpoq, sulianik aalajangersimasunik ilisimasaqaratik nalunaaruteqartunik.

Ataatsimorluinnaq isigalugu soorunami inatsisit uniorlugit iliuseqartoqartoq ilisimaneqarpat pasitsaassisoqarsimappalluunniit politiinut attaveqarnissaq tamanut kaammattuutigissavara.

Inussiarnersumik inuulluaqqusillunga

Suka K. Frederiksen